

KALĖNDUORĖNIU ĖR ŠEIMUOS ŠVĖNTIU DAINAS

ŽEMAITIŠKA DAINA APLE VESTUVES

Saldūs ėra žuodė mona
Tuoms katruos senus išmana.
Mergelės kap roželės, poušas ir šokaujas,
Žiūr, a vaikė dabojės.
Ka iš tuola ons atjuotu,
Ka ė pamiloutu,
Ka žadietu vesti
I(r) nikomet nepamesti.
Doud berneliu ronkele
I(r) nasaka nė žuodelė
Nuors ons tavės namilės
Da(r) i karves, natilės.
Aš nuejau i šventikla
Konėgs lėpa i sakykla
Perskaitė mona varda
Parvėrė širdi kap su kardo.
Visi i muni veiziejė
Kad i(r) juoktėis nadrovėjos
Jau ir užsakā išejė
Gėntės kveist reikėjė.
Suvažiavo svečiūn būrīs
Nabaožsidara duris.
Visi monė pasveikina
I(r) už stala pasodina.
Apstojė jaunosės mergelės
Sopėn mona kaselės,
Sagsta kaspinūn daugībė
Padėdėn mona grožībė.
Muotinėlə pavargusi
Jau atilsi pamėlusi
Tarė „Svetele gerėjė,
Pavalgūt vakarienė.“
Gerkit gėra i(r) trīkit
Tik i šalės nepakrīpkit
Vo pavalgėn gražė golkit
Tik nė vėine neprapolkėt.
Er išauša ontra dėina



Švėntės šeimuos ratė

Sokėlėms kožna vėina
Piršlīs pėrmiausėi prabėla
– Kelkitės i(r) apsitaīsikit galvelės.
Laiks i bažnīčė važiouti
Arklė pakinkītė, kalnouta.
Išvažiava dainiuodami
Kiti dar i(r) šaudīdami.
Suejė į bažnīčė,
Varpā suskambėjė
Vargonininks spaud didžiau,
Vo jaunoji verk griaudžiau.
Vo kuo verki, kuo durniouji
I(r) jaunouju nedebuojīs.

Pateikėja Valentiniėnė Ona, Juozo, gimusi 1902 m., gyvenanti Upynos apyl., Kinčiulių kaime 1985 m. bėrželė 14 d. užrašė Ramanauskienė Irena.

Saugoma Žemaičių muziejaus „Alka“ moksliniame archyve (ŽMA A 317).

Rėngont spaudā bnova taisuoma žemaitėška rašība